

玉山縣志卷二

沿革

古沙磧一鎮據餘干上游屬饒州未有信州先有縣縣地於周秦為姑蔑為太末而不獨姑蔑太末也饒之東境已居大半於漢晉為新安為信安而不獨新安信安也鎮之全境盡併其中上下干溪實衢饒兩州分界名縣因山而山先不屬衢故必合兩州境然後唐之置縣顛末可遞言焉志沿革

本隋東陽郡之信安縣地 豫章書

按縣圖云本漢鄱陽縣界衢之西鄙也以其有懷玉山故名 太平寰宇記

按漢鄱陽縣屬豫章杜佑通典云饒州東至信安郡二

玉山縣志 卷二 沿革志

漢屬豫章郡吳分置鄱陽郡唐為饒州理鄱陽縣餘干弋陽並屬焉樂史先言鄱陽縣後言衢西鄙則初不以懷玉山屬信安

唐證聖二年析常山須江 按今江山縣 及弋陽置 新唐書志註

按武德四年省上饒入弋陽乾元元年復上饒證聖所析弋陽地即上饒東界也置玉山屬衢州隸東道

又按陳景雲紀元要略庚寅太后稱帝更國號周改元十三註載證聖在延載後天冊萬歲前則證聖二年即天冊萬歲元年乙未也綱目分註於中宗嗣聖十二年下

乾元元年析饒州之弋陽衢州之常山玉山及建撫之地置

按太平御覽同江淮轉運使元載請置隸江南西道

自衢州改入信州 元和郡縣志

析玉山全邑洎須江南鄉益信州 李華衢州刺史壁記

常山隸信州後復故 唐書志注 新增

按常山例不書何以書復故見析衢入信獨玉山也書全邑見邑之半為常山須江地書洎南鄉見析須江地尤多

宋開寶八年改隸江東路 前志

元至元四年改隸江東道屬浙江 全上

至正二十年六月戊寅胡大海取信州改信州為廣信府 谷應泰紀事本末 新增

明洪武四年郎中余德讓疏廣信隸浙江漕運不便請改隸

玉山縣志 卷二 沿革志 二

江西玉山屬焉九年始立江西承宣布政使司 採廣豐志

併續志

國朝因之 府志

編戶凡五十六里 按通志編戶五十七里續志

按宋廬陵彭叔夏文苑英華辨證疑李華記闕常山二字又謂須江南鄉或是常山地並誤記作於永泰元年是時常山已復故與須江並屬衢故不更及常山非闕也須江亦縣名在常山南不得以須江南鄉為常山境蓋謂證聖所析須江地外近歲乾元初又析其南鄉以益信州耳

又按八都鎮頭墟至十都下鎮墟即須江之南鄉乾元再析地也先是大橋溪以南為須江西鄉球川以南為

常山西鄉並金沙溪東與弋陽同析以置玉山者金沙
溪卽干溪南流西折與懷玉之瑯溪會經今廣豐界入
上饒界凡三面環抱與縣西境葛水內之鄉皆古饒州
弋陽縣所治

玉山縣志

卷二 沿革志

三